



27. oktober 2020

### Naqqiut

Siunnersuut 20. august 2020-meersoq taarserpaa  
(Kalaallisoortani kisimi qulequtaani naqqiuteqarpoq)

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiunneqarpoq:

**Meeqqat atuarianni ilinniartitsisut sulisullu allat tapersersuilluni oqaloqatigineqartarnissamik neqeroorfigineqartalernissaannut periarfissanik aamma aningaasatigut allaffissornikkullu kingunissaanik paasinartitsilersussamik nassuiaammik saqqummiinnissamik Naalackersuisut peqquneqarnissaannik Inatsisartut aalajangiiffigisassaattut siunnersuut. Neqeroorutit imatut aqqissuunneqassapput tapersersuilluni oqaloqatiginninnerit sakkortuumik pisoqarnerata misigisaqartoqarnerataluunniit kingorna tarnikkut ikiueqqaarnerusunngorlugit aammalu psykologimi katsorsaasumuunniit allami piffissami siviisuumi tapersersuilluni oqaloqatiginnittarnerussapput. Tapersersuilluni oqaloqatigineqarnissamik neqeroorutit aamma oqaloqatigiilluni peqqissaasarnerussapput, siunnersuisarnerussapput il.il.**

(Inatsisartunut ilaasorta q Tillie Martinussen, Suleqatigiissitsisut)

#### Tunngavilersuut:

Maanna tarnikkut peqqinnissaq timikkulli peqqinnissatuulli isigineqarnerulernissaa paasisariaqalerparput. Aatsaat taamak iliorutta inuiaqatigiittut ingerlalluartut peqqissutullu ilersinnaavugut.

Ilinniartitsisut, paarlatsit, allallu ilinniartitsinermik suliaqartartut nuna tamakkerlugu meeqqat atuarii sulisuni taamak periarfissaqalertariaqarput oqaloqateqarnissamik nakkutilliisumik ingerlanneqartartussanik, ikiorneqarnissamut inuiaqatigiinni ajornartorsiutit inissisimaffigisatta iliuuseqarfigisinnaanissaannut, tamakku pileraagata periarfissaasunik.

Meeqqammi atuariinni sulisut taakkuulersarput meerartatta inuusuttuartartattalu ulluinnarni angerlarsimaffimik toqqissisimajunnaarpallaaraagata saanniartarfii, ilinniartitsisummi pisunik nalunaarutiginnittussanngukkajuttarmata meeqqat atungarliortut siumorneqarsimatillugit.

Aamma imaassinnaavoq ilinniartitsiut sulisullu allat inuunermi assigusunik pisimasunik nalaataqarsimagunik sunnertissutigigaat taamatut ikiunnerminni, peroriartorsimanerminni taamatut ikiukkamik assiganik nalaataqarsimagunik.

Inuiaqatigiit ajornartorsiutitta qaangerniarnissaannut ilinniartitaaneq sakkussaraarput pingaaruteqarnerpaaq, nunattalu siunissami ineriartorluarsinnaanissaannut ilinniartitaaneq toqqammaviulluni, taamaattumillu Suleqatigiissitsisunit pingaaruteqarluinnartutut isigaarput ilinniartitsisut suliaqarluarnissaminut toqqammaveqarluarnissaat. Tamatumunnga ilaalluni iliniartitsisut tarnimikkut nukittunerulernerat.

Aammattaaq pingaaruteqarpoq ilinniartitsilluarnerup siviisunerusumik ingerlanneqarsinnaanissaa, meeqqat atuariat peqqissumik ingerlalluassappat ilinniartitsisut sulisullu allat tarnip pissusaannik ilisimasalunnut, psykoterapeut-inut, katsorsaasinnaasunullu allanut oqaloqateqarsinnaalernikkut periarfissinneqarpata, taamaak iliornikkut amma suliffik peqqinnarnerusoq pilersinneqarsinnaammat, tarnillu anniaatai pikkuanrtut pereernikut maannalu nalaanneqartut iliuuseqarfigilluarneqarsinnaalerniassammata. Periarfissaalluarpoq nittartakkatigut taamak ingerlatisoqarsinnaanissaa, taamallu suleriuseqalernissaq inuiattut aamma sungiusimanerulertariaqaratsigu.

Supervision-ip qasoqqarujussuarnerit, stress inuttullu inerikkiartornissamut iluaqutaalluarsinnaapput. Naalakkersuisut namminneq misissuisinnaapput akisussaaffiit assigiinngitsut taamatut suliniuteqarniarnermi sumi inissisimanersut, akisussaaffiillu suliniutinik aalartitsisussat tulluarnerusut nassaarisinnaassavaat, soorlu nittartakkatigut supervision-eqartarnissap suliniutigineratigut, suliallu sionratigut taamaattut suliarineqartarsimasut misissuivignerisigut, taamaalilluni nunaqarfiit illoqarfiillu avinngarusimanerusumiittut peqataasinnaaniassammata nuna tamakkerlugu. Aammattaaq qaqikkusupparput periarfissaq pitsak, tassa katsorsaasut Qallunaat Nunaanneersut nittartakkatigut attavigineqarsinnaasut ujartorneqarsinnaammata.

Periarfissatut atuutsilerusutarput suleqatigiit iminnut oqaloqatigiissinnaanerannit allaaneruvoq, pisullu sakkortuut iliuuseqarfigisinnaanerannut tunngassuteqarluni, inuttut inerikkartorsinnaanermmut aammalu stressimut qasoqqarujussuarnermullu pinaveersaartitsisussaalluni. Suleqatigiissitsisunit takorloorparput periarfissap siunnersuutaasup piviusunngortinnissaanut misissuineq Pitsaaliuinermmut Isumaginnittoqarfimmullu Aqutsisoqarfiup suliarisinnaassagai, suliassarlu taanna katsorsaasussanut pineqartunut akuutitsissasoq suliap piviusunngortinneqarniarnerani. Taamaattorli Naalakkersuisut namminneq Namminersorlutik Oqartussani imaluunniit Immikkoortorta qarfinni assigiinngitsuni suni suliaq suleqatigiinnerulluunniit pisinnaanerat ujartuiffigisinnaavaat, pisat ilisimaarineqartut Naalakkersuisoqarfiit Immikkoortorta qarfiinni nassaassaasarmata.

Taamaattumik nuannissagalarpoq Naalakkersuisut tarnikkut peqqinnissap pimngaruteqassutaa ersaarissumik nalunaarutigisinnaasugunikku, timip peqqinnissaatulli pingaartigisutut, taamaattumillu periarfissat salliullutik inuaqatigiinnut sullissisunut, meeqqanik inuusuttuaqqanillu sullissisut, soorlu ilinniartitsisut sakkussaqarlualissammata ikiorsiilluarnissat pingoraagata.

**Aningaasarsiornikkut allaffissornikkullu namminersorlutik inuutissarsiortunut kingunissai.**

Hvad der svarer til op mod 2 A/C fuldmægtig, dvs. ca. kr. 500.000. Allaffissorluni A/C-itut allaffissortut pisortat A/C fuldmægtig-it marluk sulinissaannut naatsorsuussaavoq, tassa kr. 500.000.

**Aningaasarsiornikkut allaffissornikkullu namminersorlutik inuutissarsiortunut kingunissai.**

Soqanngilaq.

**Aningaasatigut allaffissornikkullu innuttaasunut kingunissai.**

Soqanngilaq